

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA ZAVIDOVIĆI
- OPĆINSKO VIJEĆE -

Broj: 01-40-2815/'10

Datum, 18.06.2010.godine

Na osnovu člana 99. Poslovnika o radu Općinskog vijeća Zavidovići («Službeni glasnik općine Zavidovići», broj 12/2008), Općinsko vijeće Zavidovići na 23.Tematskoj sjednici održanoj 18.06.2010. godine, razmatralo je Stanje i probleme u oblasti sporta na području općine Zavidovići, pa nakon rasprave donijelo

ZAKLJUČAK

I

1. Zadužuje se Općinski načelnik da u toku 2010. godine provede aktivnosti na izradi projektno-tehničke dokumentacije na rekonstrukciji/sanaciji Sportske dvorane i stvori pretpostavke za planiranje sredstava u Budžetu 2011. godine i narednih godina na sanaciji / rekonstrukciji iste, fazno prema prioritetima, a u skladu sa finansijskim mogućnostima Budžeta općine Zavidovići.

2. U Budžetu općine Zavidovići za 2011. godinu planirati održivo povećanje sredstava za finansiranje fizičke kulture i sporta kao i za održavanje i izgradnju sportskih objekata, a u skladu sa Zakonom i raspoloživim sredstvima Budžeta općine Zavidovići.

3. Utvrditi novi Program i kriterije raspodjele i korištenja budžetskih sredstava za fizičku kulturu i sport za 2011. godinu, te da Komisija za utvrđivanje Programa i kriterija raspodjele i korištenja budžetskih sredstava za fizičku kulturu i sport, prilikom utvrđivanja Programa i kriterija uzme u razmatranje i prijedlog raspodjele sredstava dostavljen od Sportskog saveza općine Zavidovići.

4. Provesti projekat popularizacije rukometa u svim školama na općini Zavidovići sa ciljem prepoznavanja talenata i njihove afirmacije kroz Rukometni klub „Krivaja“ Zavidovići, a sredstva planirati kroz Program i kriterije raspodjele i korištenja budžetskih sredstava za fizičku kulturu i sport za 2011. godinu i naredne godine.

5. Afirmisati razvoj i dodatno finansijski podržati razvoj ženskih sportskih klubova.

6. Zadužuje se Općinski načelnik i nadležna služba da organizuju sastanak sa predstavnicima privrednika, sportskih radnika i predstavnicima Općinskog vijeća na temu rješavanja određenih pitanja i problema u oblasti sporta.

7. Zadužuje se Općinski načelnik i nadležne službe da kod izrade Strategije ekonomskog razvoja općine Zavidovići za 2011-2016. godine, planira oblast razvoja sporta i sportske infrastrukture.

8. Zadužuje se Općinski načelnik i nadležna služba da prilikom izrade kriterija o dodjeli stipendija redovnim studentima sa područja općine Zavidovići za utrošak sredstava sa Transfera za stipendije studenata za 2011. godinu i naredene godine, planira dodjelu stipendija studentima – uspješnim sportistima sa područja općine Zavidovići.

9. Osmisliti određene sportske manifestacije (turnire) u povodu Dana općine Zavidovići.

10. Uspostaviti saradnju sa afirmisanim sportistima i sportskim radnicima porijeklom iz Zavidovića.

11. Zadužuje se Služba za upravu društvenih djelatnosti i opću upravu i Nogometni klub „Krivaja“ Zavidovići, da dostave Općinskom vijeću Informaciju o statusu zgrade „Kuglana“ za julsku sjednicu Općinskog vijeća.

II

Zaključak stupa na snagu danom donošenja, a o njegovoj realizaciji starat će se Kabinet Općinskog načelnika Zavidovići i Služba za upravu društvenih djelatnosti i opću upravu.

PREDSJEDAVAJUĆI
OPĆINSKOG VIJEĆA

ing. Radosav Petrović